

NA LIDA KU PRAGAS

PRAGAS KOMUN DI JARDIN



Pulgon
verdi, di tamanhu di un kabésa di alfineti, jeralmenti en grupus



Bezourus di Pepinu
amarelu ku listras pretu, 1/5 di konprimentu



Bezourus di Pulga
pretu ô kastanhu, saltador, di tamanhu di un kabésa di alfineti



Insetus di Abobora
korpu sinzentu i angular, ovus vermelhu ô laranja, di tamanhu di un moeda di dez sentavu

KOMU EVITA

ROTASON DI KULTURAS: Fazi rotason di kulturadas pa ka planta spésies di mesmu familia sientifiku na mesmus arias di bu jardin di stason pa stason. Pur izenplu, evita planta tomatis na mesmu aria na undi bu kultiva pimenton na tenporada anterior. Kes praga as vez ta permanesi adormesidu na solu di tenporadas anterior i plantiu di kulturadas ku kualidadis semelhanti podi aumenta vulnerabilidadi pa es pragas.

PLANTAS KONPANHERU: Planta kes plantas ki é konplementar un au ladu di kel otu podi ter benefisius duplu. Alguns planta konpanheru podi atrai insetus benefiku, sima polinizadoris, i au mesmu tenpu dezenkoraja insetus daninhu.

XÁ DI KONPOSTU: Aplika xá di konpostu na bus planta é sima da un probiotiku pa bus planta. Aumenta kapasidadi di sistema imunulojiku di bu planta i permiti ki bus planta ta stá mas rezistentis pa invazon. Pa maksimiza kes propriedadis di prevenson di pragas di xá di konpostajen, bu podi pulverizá-l na folhas di bu planta. Kes mikrobius benefiku ki é txeu na xá di konpostajen ta ajuda sistema imunulojiku di bu planta ataka mikrobius i doensas prejudisial.

CITY of BOSTON



Tomati i manjerikon é plantas konpanheru.



GrowBoston

growboston@boston.gov

KOMU ADMINISTRA

ATRAI SES PREDADOR: Plantas ki ta atrai insetus benefiku, sima joaninhas, louva-a-deus i vespas parasita podi ser altamenti eficienti na kontrolu di pragas. Es insetus ta ataka larvas i pragas di jardim adultus i ta ajuda reduzi populason di insetus daninhu. Jardins ku un variedadi di plantas, inkluindu arbustus, grama i prinsipalmenti, plantas ki ta floresi au longu di stason, podi ajuda aumenta populason di insetu benefiku na bu jardin.

APLIKA KOBERTURA DI REDI DI LINHA: Es redi di poliester é spesialmenti eficienti na proteson di plantas kontra pragas movel, sima bezourus i maripozas (ô borboletas noturnu). Uza material di kobertura di linha mas levi na primavera i na veron pa manti sirkulason di ar i tenperaturas ekilibradu entri kes plantas. Na invernu, uza un kobertura di redi mas grosu pa izola kes planta.

PEGÁ-S KU MON: Tenta kontrola kes praga semanalmenti. Si bu stiver atentu pa pragas na inisiu di stason, remoson fiziku di pragas podi ser un metudu eficienti di lida ku es i el ta prolonga vida útil di bus planta. Kel li ta envolvia sinplismenti retira insetus di abobora, vermis mastigador i bezourus di pepinu i ses ovu di bus planta i jogá-s na agua ku sabon, ki é toksiku pa txeu insetus.



RESEITA DI PULVERIZADOR DI PRAGA NATURAL

Ingredientis

- 1 kabésa di alhu
- 1 sebola pekenu
- 1 kudjer di xá di pimenta vermelhu
- 1 kuantidadi di água
- 1 kudjer di sopa di deterjenti likidu
- 1 frasku borifador linpu
- 1 panu pa fazi keju

Pika ô smaga kel sebola i alhu. Di sigida, adisiona agua i mistura pó di pimenta vermelhu. Ensopa durante un óra i skori kel mistura ku un pano di fazi keju. Adisiona deterjenti likidu. Borifa folhas di bu planta pur konpletu, inkluindu kes partis inferior. Guarda kel mistura na un frasku fitxadu i mantê-l na jeladera durante até un semana.

Fontis: Brooklyn Botanic Garden, NYC Parks GreenThumb, Cornell Cooperative Extension, Penn State Extension, UMass Extension Center for Agriculture, Food, and the Environment. Ilustrason di Olivia Golden